

- 1' Wān jn das für syn müttwill bringt
- 2' Oder sunst selbs jnn brunnen springt
- 3' Dem gschicht recht / ob er schon erdrinckt



von mutwilligem vngfell.

- 1 Manch narr ist der do bettet stāt
- 2 Vnd dūt (als jn dunckt) andaht gbet
- 3 Mitt ruffen zū gott vberlut
- 4 Das er kum von der narren hut

5 Vnd will die kappen doch nit lon
 6 Er zücht sie tåglich selber an
 7 Vnd meynt / gott well jn hören nit
 8 So weiß er selbst nit was er bitt /
 9 Wer mitt müttwill jn brunnen springt
 10 Vnd vörchtend / das er drynn erdrinckt
 11 Schryg vast / das man eyn seil jm brecht
 12 Syn nochbur sprech / es geschicht jm recht
 13 Er ist gefallen selbst dar jn
 14 Er môcht hie vß wol blyben syn
 15 Empodocles jn solch narrheyt kam
 16 *Das* er vff Ethna sprang jnn flam
 17 Wer jn har vß solt gzogen han
 18 Der hett jm gewalt vnd vnrecht gtan /
 19 Dann er jn narrheyt was verrücht
 20 Er hett es doch noch me versücht
 21 Alls dût wer meynt das gottes stym
 22 Jn ziehen soll mit gewalt zû jm
 23 Jm geben gnad / vnd goben vil
 24 Sich dar zû doch nit schicken will /
 25 Mancher fûrloufft jm selbs syn tag
 26 Das gott jn nym erhören mag
 27 Dann er jm nym die gnaden gytt
 28 Das er üt fruchtbars von jm bitt
 29 Wer bett / vnd weißt nit was er bett /
 30 Der bloßt den wint / vnd slecht die schet
 31 Mancher jm gbett von gott begert
 32 Jm wer leid / das er wurd gewert
 33 Wer lebt jnn eym sörglichen stat
 34 Der hab den schad / wie es jm gat

12 nochbur *GW5046 GW5047*] nochnur *GW5041* 16 Das] Dat *GW5046*